

鉛山縣志

乾 隆 大 年 新 鑄

韓江鄭之僑重脩

# 鉛山縣誌

學山閣藏

# 鉛山境山川

# 形勝之圖



鉛山縣志

卷之一

圖

一





# 鉛山縣城池圖

鉛山縣志

卷之一

圖

一





鉛山縣志

卷之一 圖

一一

重修鉛山縣志序

志名自九邱蓋為九州志  
所有所無土地風氣聚其  
中嗣是而興萬世有治譜  
古今天下郡省然也獨一

序一

邑乎哉顧有不盡然者名  
之同異其寔寔之同又異  
其名班固之言曰史記叙  
事理善亦短其所不善爰  
作八志范曄自謂理不愧

於固更成十志降而覓米  
立傳戶口不載如陳壽蕭  
子顯等志三國志天文不  
盡志寔也志其名粵稽孔  
子刪書斷自唐虞下迄於

序二

周以紀傳鼻祖二典周禮  
太史內史均有掌小史掌  
邦國志外史掌四方志王  
朝賞罰分封侯國時事胥  
有譜而按焉者也視列國



吳越楚漢春秋相河漢矣  
則不盡志名也志其寔志  
之升降名寔也如是夫鉛  
志

國朝前廢於寇 徐君傳梓

序三

蕪矣康熙十八年治縣  
潘君惻然憫斯邑土地風  
氣之靡所取鏡也於奮冊  
零剝餘增所見彙成八帙  
歲庚申余奉

泉峯石洞僊靈逸致出焉  
鵞湖道學之垂文物開美  
風流不墜信之名區當為  
首屈一指迺奮誌歷六十  
餘秋若不一為增輯延之

序五

又久問土疆之美答不應  
採流峙之勝踈耳目矣儒  
行宦績介節幽行風徂而  
罔知所自將如化書所談  
自無而有自有而無名寔

之耗益甚後之鏡治者悵  
悵莫定所宜欲以一方寔  
蹟而備

盛朝史館之採擇也難余甫  
下車輒有見於此懷之四

序六

年而未敢執筆思夫二典  
周書不易法而班范以下  
之有遺議古史猶然也余  
不滋之懼焉得乎癸亥卷  
月邑人士以是堅所請益

悚然於責之難辭爰不揣  
踈陋偕多士廣爲搜採戒  
略去濫半仍先帙而益之  
凡所登載務名與寔稱閱  
一載而稿成付諸剞劂非

序七

敢云後賢之治譜但聚一  
邑之風土人物令披閱者  
百代下如親其境亦猶志  
九邱之遺意也歟是爲序  
乾隆八年歲在癸亥臘月

穀旦韓江鄭之僑東里氏  
題於鵞湖之學山閣



鉛山縣志凡例

一地輿建置中舊本訛誤頗多皆爲訂正其古  
有今無者仍存其名一一註清不敢沒其蹟  
也

一戶口田賦俱照賦役全書載入而土產一則

引據典核組織成章較之舊志雅俗頓殊

一職官選舉舊本上載編年橫列名姓班聯易

淆空白更多今做通志各以類次仍分年代

鉛山縣志

凡例

一

庶無參差龐雜之病

一襍祥之說儒者不道春秋不書祥瑞而盡書

災異史外傳心之要典也舊志本此實爲有

識今仍之

一賔貢中恩拔副歲皆以科分爲次原非有所

軒輊也

一例貢儒士吏員必已出仕者乃登舊志相沿

如此實爲允合今仍之

一人物列女倣通志分爲男女兩項其中仍細分門類各有歸泊舊本訛誤一一考据確實歸于簡括其照依通志府志載入者必註明于後不敢襲前人之美也

一新增入志諸人務必呈明事實學校保舉族隣册結仍親自面詢細密採訪其有年例不合素行不符者不敢濫登盖修輯邑乘雖云善善欲長而無實盜名實恐貽玷簡編在予鉛山縣志

凡例

二

無非矢公矢慎之心紳士亦當思循名覈實之義

一

御製

上諭諸書

天語煌煌奉部彙輯成編普天之下奉爲珙璧茲  
謹以

頒行學宮諸書序文照依郡志體裁載諸藝文簡

端以爲冠冕非敢有所選擇也

一舊志詩文雜作分載于山川名勝之下以致門類雜亂而藝文一類反覺寂寥今倣通志郡志體裁悉歸藝文志內詳加分晰門類各以朝代爲次而名賢著作及闕鉅典者多列在前仍于山川名勝下一註明

一藝文必切于茲土景物關係風化者乃登不然著作雖佳不能濫收

鉛山縣志

凡例

三

一舊志藝文有訛誤微失者稍加改訂若全無足取不得不爲芟去亦所以掩前人之瑕疵也

一新增藝文務必親賫送署然後發局參酌再呈取定方行成稿登板再四推敲無非欲躋攀昔賢流傳後學

一方外多仍舊志頗加新增雜誌多攷通志府志增入俱必文歸雅馴



一舊志錯謬頗多如以孫叔敖爲鉛人及朝代年號之顛倒錯亂者悉與分纂諸生爲之攷

正

一人物諸傳及藝文諸作多以呈送先後分別門類編次其門類已登板而呈送後至者續補于後亦非有所軒輊其間也

是役也自二月初起至十一月告竣成十有

五卷分纂雖屬諸生而一字一畫皆予心目

鉛山縣志

凡例

四

所及閱者取舊志校對乃知此番修輯不無苦心

韓江鄭東里識

鵝湖野眺

薩天錫

秋日費太僕招遊鵝湖

金光弼

瀑布泉 出鵝湖山

朱統銘

遊石井 泉出鵝湖山下三首

朱子

次韻擇之鉛山道中 二首

朱子

次韻擇之發紫溪有作

朱子

崇壽客舍夜聞子規得三絕句

朱子

鉛山立春 六言二首

朱子

遊石井和朱子韻

夏言

和先賢石井詩 三首

鄭之僑

鵝湖講學會編

目錄

五

述堂

石井和韻

葛天申

題鵝湖山

范巨卿

鵝湖院

張濤

登鵝峯

鄭之僑

鵝峯

葛天申

前題

溫朝榮

荷湖橋

周道欽

荷湖

溫朝榮

繹纓橋

溫朝榮

牛嶺亭

溫朝榮

章巖

朱子

次韻擇之章巖

朱子

題鵝湖

洪芻

登鵝湖

王大卿

遊鵝湖山

李夢陽

遊鵝湖書院

江臯

和先賢章巖原韻

鄭之僑

和先賢章巖

楊人傑

瀑布泉

溫朝榮

遊鵝湖山賦

劉翎聯

鵝湖講學會編

目錄

六

述堂

卷之十一

會元堂記

詹載采

修鵝湖書院記

節畧

劉日寧

文宗書院記

汪偉

重建鵝湖書院記

李奎

鵝湖書院記

胡夢泰

蔡士英重建書院記

安煥

文宗書院記

李光地

鵝湖書院恭紀

白潢

鵝湖書院六經圖序

雷鉉

脩誌姓名

纂脩

知鉛山縣事韓江鄭之僑東里甫

分理

縣丞錢江陳 芬佩蘭甫

教諭濂水謝 申靜山甫

訓導潯陽余英振鐸士甫

分纂

蔣 垣黃級

劉祖年緒存

鉛山縣志

修志姓名

張永潮志冲

鄭 遠廷表

張錦萊文衣

校閱

查守儉素立

虞詢岳政和

張映燾文光

張蕙機梁元

監梓

鍾 震肅昭

詹志魁宸章

鉛山縣志

修志姓名

一一

鉛山縣志目錄

卷之一

地輿志

風星  
俗野

災疆  
異域

古形  
蹟勝

邱山  
墓川

卷之二

建置志

上諭  
城池亭  
建坊

書學  
院校

祀公  
典署

宮行  
室署

津武  
梁署

卷之三

食貨志

上諭  
田賦

水戶  
利口

卷之四

食貨志

物產

鉛山縣志

目錄

一

卷之五

職官志

秩官  
名宦

卷之六

選舉志

辟薦  
賓貢

武會  
科試

恩鄉  
例試

卷之七

人物志

仕業  
義俠

武士  
畧行

寓孝  
賢友

卷之八

列女志

孝節

賢烈

惠貞

卷之九

藝文志

御製  
策製

劄敕  
子

記奏  
上疏

卷之十

藝文志 記下

卷之十一

藝文志 序

卷之十二

藝文志

記畧 講義 語錄 文書 跋  
碑文 墓誌 疏 文  
史論 箴 贊 考  
銘 說

卷之十三

藝文志 詩餘 賦

卷之十四

鉛山縣志 目錄

雜志

卷之十五

方外志 仙釋 土神 觀寺

鉛山縣志卷之一

韓江鄭之僑東里甫重修 後學張永潮分纂

地輿志

鉛爲山國斗宿星躔清溪匝地鵝峯峙天佳氣蔥鬱淳  
風綿延維秀伊何於樂管絃維樸伊何勤彼桑田古稱  
易治茲不虛傳况逢

盛世 循良教宣祥風所扇沴戾盡蠲憑眺邱壟輝山媚  
川扶輿鞏固億萬斯年輯地輿志

星野

鉛山信屬邑信爲揚境具越之交也歷代星書皆以斗牛

鉛山縣志

卷之一

星野

一

爲吳越揚州之分野惟晉志州郡纏次以豫章入斗十  
度會稽入牛一度信在漢爲會稽屬邑分野當在斗牛  
之間鉛山越地其次爲星紀候在熒惑占於南斗十度  
十一度至七度曰須女又曰星紀

耆儒龔敷及王本杜佑著分野書分星於土分土於度  
分度於數獨詳其說以九州在日月之下南屬日北屬  
月經以二十有八宿積數七百八十三星視其土之廣  
狹分屬一宿一宿所屬或一省或兼省郡得宿之度而  
分居縣又分其度之數或半數或一數以至四五數數  
分鉛爲光澤崇安北界北接上饒弋陽入南斗八之頭



九之尾三分數之間星紀之次於辰在丑於數建星於干支丙戌於疆域爲揚之南越分神赤帝燁怒主之

春秋

昭公三十二年吳伐越晉史墨曰越得歲而吳伐之必受其殃釋者曰歲在星紀則星紀爲越之分星鉛山又閩越地故次爲星孛入於北斗有星孛於大辰有星孛於故春秋書有星孛入於北斗有星孛於大辰有星孛於東方凡三書入則兵散出則有兵熒惑主楚又主吳越以南諸國國有道則疾行而東無道則遲行而留爲亂爲賊爲疾爲喪爲飢爲兵

鉛山縣志

卷之一

星野

二

漢

元鼎中熒惑守南斗元封元年閩越王反誅民徙江淮之間墟其地

晉

義熙二年熒惑入南斗第五星韓美聚衆千餘劫掠鉛山民避亂走建州鉛人何湏起兵拒平之

明

洪武元年熒惑觸歲星四年熒惑留南斗其元年胡廷美戰鉛山擊元守將陳友定不克鉛民大亂是年將軍沐英復鉛山入崇安兵至夾水友定亟戰不利死之二年

州復為縣又宣德六年熒惑見

鉛分野屬斗口占在於南斗故凡熒惑留於斗守於斗則占焉又牛女分野則在斗者占斗在牛者占牛不可紊也或謂信之七邑所占皆斗何以知其屬饒屬鉛察龔數分野書謂斗有度有數郡或得其度之全度之半邑惟是各得其數而已故洪武元年熒惑觸歲星熒惑留南斗胡廷美戰鉛山擊陳友定不克鉛民大亂又宣德六年熒惑祀南斗是年鉛山水大飢考之人事有明徵也則警天變以修人事蒞茲土者宜加意焉

附占

鉛山縣志

卷之一

星野

三

南斗星盛明

君臣一和平

日月五星逆入斗

天流下起兵

斗建搖

民人勞

牛大明

王道昌

牛星曲

羅貴

金火犯牛

兵燹

水土犯牛

吉

月暈牛

損犢

天梁不明

廣營宮室

天相不明

號令不順

歲星所居國有厚德

熒惑出兵興

附驗

日蝕在斗吳地

月蝕在斗吳越

月入南斗宋至道值此

熒惑犯南斗漢永和值此明年

太白犯南斗晉惠永值此

彗孛犯斗吳越地

雲氣千犯蒼火憂黃白天有兵使

鉛山縣志 卷之一 星野 四

歲時雜占

正月斗八建寅日晴在室一之雞物二犬陰三則災四元宵五牛六馬七果

中打日上晚元燈末早禾一稻東稿云

二月斗主建卯日雨在次奎月驚蟄妨農鳴

三月斗後建辰日熟在胃詩云田聽蛙無聲五午行前水鳴高田蛙熟聲午

四月斗立建巳日蒲在日畢宜立雨諺日云青立夏見不東下高吉田否莫則耙歲小多滿

種不滿管芒

五月斗頭建午日愁在井夏至月得中雨就潤稔之候諺云米夏價至平在也

六月斗云建未日秋在要柳立秋七月以而復見河則影穀沒貴三

七月斗日建申日則在穀箕賤七夕日而復見河則影穀沒貴三

八月斗雲重建酉知次在角秋分多一日不宜晴中秋月光則無上

元燈

九月斗賤建戌日日在房自一日至九日凡北風則穀

十月斗建亥日在尾荆楚歲時記天連連和高山也是田又

云液雨百虫飲之藏蟄

十一月斗建子日在斗冬至日青雲見於

十二月斗建丑日在女大

四季甲子春雨甲子禾生菰耳冬甲子雨雪飛千里唐俚語

驗諸時事不忒

四季甲申大雨穀價大貴

鉛山縣志

卷之一

星野

五

錢惟善田家五行云五行之說見於經傳其來尚矣豈特為田家設哉然舍田家而言五行不知本者也此古二家之書氛祲三時之紀風雨皆為田家設也田家以耕桑為重民生以衣食為本有天下國家者必先講乎此而後可得而理成周以農事開國王業之艱難風俗之淳厚見於詩之七月書之無逸其迎寒送暑之候倦倦以耕織為言憂君愛民之道諄諄以稼穡為急至洪範之論五行首曰土爰稼穡孟子之論王道在乎不違農時是則農事之於五行所係豈淺鮮哉

疆域

鉛山信屬也於夏禹爲會稽爲揚州之南境其後或爲郡國爲邑爲鄉都故或曰永平白鉛山曰鉛州永平鎮也後以其山產鉛銅故名爲鉛州始自元

夏

少康封其少子無余于越以奉守禹之祀故奉祀守塚之禮自少康始

春秋

勾踐王會稽兼有甌越閩越鉛山屬閩越周顯王四十六年楚威王敗越殺王無疆而越諸族子爭立或爲王或爲君無疆七世孫閩越王無諸實撫有此地

鉛山縣志

卷之一

疆域

六

秦

始皇併諸侯混一分天下爲三十六郡國革爲郡自秦始皇而廢無諸爲君長以其地爲閩中郡按葛興葛陽晉興屬餘干而鉛山之西北地實割于此鉛山之東南地則割之建安昭武者皆屬閩中

漢

高帝以無諸率諸越從鄱陽令具芮助漢滅秦後又佐漢擊楚漢五年復立無諸爲閩越王按鉛山自烏君山以至白塔山仙霞山古皆謂之泉山朱買臣所謂一夫守險千人不得上升者也

武帝時以閩越王餘善擅出兵攻東甌又攻南越議發兵  
誅之詔盡遷其民于江淮之間虛其地東越既平以其  
也屬吳立東部都尉主

孝昭始元始立冶縣屬會稽後爲南部建安都尉按鉛山  
之鵞湖鄉崇義鄉招善鄉實隸冶縣志析建安地是

東漢

獻帝初平三年析太末置新安是謂衢地按鉛山之招善  
鄉實割於玉山縣之招善鄉十割其七漢李恂移居隱  
於新安赭亭山下

三國

鉛山縣志

卷之一

疆域

七

孫皓分會稽置東陽鉛山屬東陽立昭武鎮尋陞爲昭武  
縣按鉛山之招善鄉屬昭武志析武地是也

晉

武帝改新安爲信安置江州

隋

文帝開皇十二年以建安舊地并屬撫州所謂撫建地也  
按昭武實屬撫州故招善鄉古謂割於無地

煬帝改爲鄱陽郡置弋陽按鉛山之仁義新政善政三鄉  
是時皆屬弋陽

唐

高祖武德四年改置饒州析信安爲衢州即建安郡地復徙置建州按鉛山之布政清流鄉實析之證聖間析常山須江弋陽地置玉山鉛山割其一鄉之七

乾元二年江淮轉運使元載請建信州領縣五曰玉山割

於衢曰弋陽割於饒曰上饒析於弋陽白永豐今改廣豐析

於上饒復以撫建之三鄉益弋陽而割其西境益以餘

干之東北境置貴溪按是時鉛山撫建之三鄉鵞湖崇

義招善皆屬弋陽爲鉛山場

五代南唐

領縣六

鉛山縣志

卷之一

疆域

八

保太十一年復析弋陽之撫建二州地二鄉益以上饒布

政清流崇義三鄉縣鉛山而鉛山自此始

宋

太祖開保八年曹彬平江南得州十九信其一也陞信州

爲路按是年以鉛山直隸京后仍隸信州

元

世祖元貞元年陞鉛山縣爲州因名鉛州隸浙江行中書

省按復益弋陽之新政善政二鄉又割上饒之乾元永

樂一鄉益之

至正十九年陳友諒攻信州守臣伯顏死之

明

太祖洪武二年復信州路爲府復鉛州爲鉛山縣改上饒之故鄉乾元永樂六都徙遷上饒爲附郭縣

鉛山在夏屬會稽在周屬於越在秦屬閩越迄漢元鼎始爲場焉而隸於治縣復入會稽郡後漢析會稽之餘干入於豫章鉛又南隸餘干三國分餘干置葛陽鉛則又隸葛陽隋改葛陽爲弋陽唐乾元置信州割弋陽分置上饒永豐屬信州而鉛則又隸上饒猶爲鉛場也南唐保大中始析撫州仁義建州旌孝二鄉之故壤益以上饒之清流崇義布政三鄉縣鉛山嗣陞州宋復縣至元鉛山縣志

卷之一

疆域

九

陞州又益弋陽之新政善政二鄉益上饒之乾元永樂二鄉入鉛元至正二十年閏五月明僉院胡大海師取信州改信州爲廣信府而鉛山猶爲陳友定所據洪武二年將軍沐英克鉛山乃復鉛山州爲縣以屬廣信而還乾元永樂二鄉于上饒

國朝

順治三年定廣信隸屬如明時舊志云鉛山距府治南八十里東西廣二百六十里南北袤一百六十里東至上饒縣黃桂社七十里西至邵武之烏嶺一百九十里南至建寧分水關八十里北至弋陽縣湖頭嶺六十里驛



路至省城四百五十里至江南一千八百里至北京二  
千三百六十七里編戶凡五十七里領鄉九都五十

坊二十

政通坊在縣門西

人和坊在縣門東舊名宣和

興賢坊在儒學前

永平坊在東關小市里

嬉春坊在城

澄清坊在分司前

平治坊在城東隅

鉛山縣志

卷之一

疆域

十

阜安坊在城南隅

明倫坊在城東關

文明坊在城儒學前

樂輸坊在城西隅

拱北坊在北關

武安坊在城

通利坊在城北隅

通津坊在城北隅

振武坊在千戶所前

仁義坊在城

威德坊在城西隅

寶會坊爲銅倉立久廢

聚寶坊爲銅倉立久廢

巷一

申家巷爲申孝子名一名李家巷一名鑄錢巷今巷口立報本坊三字朱晦菴書現存

街二

前街東通仁壽門西通義和門  
後街西通義和門北通麗澤門

所一

鉛山縣志

卷之一

疆域

十一

千戶所在城久廢

局一

軍器局在城西北隅久廢

場一

演武場舊在城東永樂間決于洪水徙至城西下坂復決仍改城東去縣一里

市九

東關市在仁壽門外

北關市在麗澤門外

西關市在義和門外

石溪市去縣治北三十里

楊村市去縣治西三十里

港東市去縣治西四十里

湖坊市去縣治西六十里

傍羅市縣北二十里今無市

紫溪市去縣治南四十五里昔名鎮今改為市人烟輳集

路通甌閩按文通志宋時有驛明遷車盤今俱廢宋洪炎詩

見藝文

### 鄉九

鵞湖鄉縣治中分境初為荷湖其界自一都七都四都以

鉛山縣志 卷之一 疆域 十二

北折桂永平凌雲狀元仁義履皆屬焉

崇義鄉縣治東南分境自八都九都十都十一都而南安

吉孝義隱賢新桂皆崇義履也本上饒故里其地多深

### 山大谷

旌孝鄉縣治南分境自十二都十三都十四都十五都十

六都十七都十八都東之西興賢永安儒林太平漿田

是其履也白塔千仞天柱聳峙古建州地分水桐木温

林三關界其南為閩中之咽喉門戶

招善鄉縣治西南分境自縣北二都五都三十都三十一

都三十三都三十四都三十五都三十六都三十七都

四十四都而南叢桂旂峯西濠歸仁長壽桂林則其履也

仁義鄉縣治西境其界自二十九都而南其履安仁安定康俗大都以上饒弋陽之間大琛之山鎮焉

清流鄉縣治西北分境自二十六都六都二十五都二十八都三都二十四都二十三都二十二都二十七都皆履焉

布政鄉縣治東北分境自二十一都十九都二十都西北以東忠信昭榮迎繡皆布政履也永平志二十一都在仁義鄉今割入布政地西近上饒界

鉛山縣志

卷之一

疆域

十三

新政鄉縣治西境西界招善鄉自三十九都三十八都黃蘗山鎮焉

善政鄉縣治分境西界仁義鄉亦弋陽地自四十都四十七都四十八都四十九都五十都皆無譜俗與乾元永樂同

舖十五

東路 赤土舖 洋源舖 黃柏舖 魏墩舖 紫嶺舖

茶亭舖 烏石舖

西路 蓮塘舖 徐源舖 修文舖 火田舖 水南舖

北路 雙頭舖 瀝源舖 石溪舖

驛傳五

康熙間止存一至雍正四年俱奉裁革驛焉六匹歸縣帶管

鎮二

河口鎮縣西三十里即古沙灣市也當信河鉛河二水交會之衝汭口九陽石之上商賈往來貨物貯聚隱然爲縣西之保障明萬曆間石佛寨巡檢司何清奉文駐劄河口今仍之按河口之盛由來舊矣因屢遭兵燹兼路由仙霞貿易稀踈市井蕭條迄昇平日久生齒漸繁山川雖故風景較新貨聚八閩川廣語雜兩浙淮揚舟楫夜泊遶岸盡是燈輝爨烟晨炊遍地疑同霧布斯鎮勝事實鉛鉅觀第操奇贏者多踐土甘敗類者或潛形旌別彰瘡防範輯寧當必有道以處此

石塘鎮縣東南三十里宋爲屯田鎮後改市今仍名鎮其地多宜於竹水極清冽紙貨所出商賈往來販賣俗尚頗涉華麗按石塘一鎮賈客貿遷紙貨爲盛曰毛六曰黃表色樣不一命名各殊第界近閩越地居險僻流民繁多土著稀少故槽廠爲藏奸之藪蓬戶多生事之徒前巡按嚴禁鑄碑最爲詳察後司土者治法務期嚴明

附錄示禁

欽差巡按江西監察御史許爲巡狩事按臨廣信順治十五年六月十八日准到鉛山縣十二都里地槽戶鄭以仁等具稟詞稱槽工人等擁衆歇槽酗酒賭博聞狼傷命盜竊貨物敗露兔脫禍累槽戶老死病亡移尸圖賴等情蒙院憲發刑館給示嚴禁勒石申飭毋許槽工恃眾禍亂地方攤場賭博盜竊貨物藉死作賴種種不法肆行無忌嗣後務遵示禁不許仍蹈前轍如有故違許該地方槽戶指名赴轅呈稟以憑嚴拿律究重懲斷不姑恕爲此勒石嚴禁

泇口縣西北三十里九陽石東岸先名泇口鎮宋淳熙間鉛山縣志 卷之一 疆域 十五 設巡檢司於街北通饒州等府至明洪武十三年裁革按永平志舊名温口市後因避朱温之諱故更温口爲泇口今無鎮

### 關六

分水關縣治東南八十里岩巒峻絕爲閩楚要衝明正統間閩寇作亂始於此設備尋罷弘治間盜起復委軍官一員領軍五十名守之係東路紫溪大關名人吟咏俱詳藝文温林關縣東南七十里爲閩要衝正統間寇亂設備尋罷弘治間盜起委官領軍守之今裁革

桐木關縣治西南七十里自石佛寨分路至關抵福建光

澤界興革與溫林關同

雲霽關縣治西一百六十里係福建光澤縣界

觀音關縣東黃敖峯之陽石龜寨之東

火燒關縣西光澤界龍泉山

寨七

石佛寨縣治西南五十里山高地峻洞如峽口接邵武府

界山澗中有怪石如佛因名明洪武七年設巡司衙門

守鎮弓兵三十名正德間移置善政鄉之湖坊街今遷

立河口

車盤寨縣治南六十里路接福建分水關界宋淳熙間設

鉛山縣志

卷之一

疆域

十六

巡檢司明洪武三年裁革後設驛知縣邱木建久廢驛

丞順治己亥年奉裁

朱彝尊詩  
見藝文

傍皮寨在縣南龍嶺

虞源寨在縣東第一堡平洋山

竹箕寨在縣東第二堡大橫

劉墩寨在縣東第三堡龍西源

石龜寨地名失考四寨俱在十三都都內尚有六堡六寨

未開譜

墩

宋有三十一今久廢

隘一

劉墩隘在縣東下圳西按鉛山東界分水關使星賈楬織路西弋陽北上饒孔道之交而東南一帶又與浦城光澤相乘薄比閭錯落守望孤而賊盜譎張於是石佛有巡司溫林桐木劉墩諸關隘武胄分番邑城特置守禦一所又設把總召集團練非形勢當要害耶頃河口水隩商貿駢集藏姦之藪周圍益密令所難易大較可觀矣然守禦一所

國朝定鼎後土弁已奉裁革惟部選千總以司屯衛至防汛則特置城守守備一員轄兵卒鎮守其捍禦有專責矣

鉛山縣志

卷之一

形勝

十七

右六關七寨一隘二鎮大小險夷地雖不一然皆各省入閩通衢過客聚集淵藪即設城垣以固保障尤當勤巡哨以周防禦此柔遠寧邇之要道也

形勝

東倚鷺湖之勝跡西聯銅寶之名山南扼八閩之喉吭北

據兩浙之要會

龔數八景詩見藝文

山川

鉛之山川多發脉於閩中自白塔山來者三自仙霞山來者一自烏君山來者一自靈山來者一



鵞湖山縣東北周迴四十餘里其影入於縣南西湖縣之鎮山也諸峯聯絡若獅象犀貌最高者峯頂三峯挺秀鄱陽記云山上有湖多生荷故名荷湖東晉人龔氏居山蓄鵞其雙鵞育子數百羽翮成乃去更名鵞湖唐大曆中有大義智孚禪師植錫山中雙鵞復還山麓有仁壽院禪師所建今名鵞湖寺宋朱元晦呂伯恭陸子壽子靜四先生于此講學遂建有鵞湖書院名人詩歌詳見藝文鳳凰山縣城南屏有泉味甚甘美麒麟山縣城東其峯廉銳而聳

駱駝山縣城西

鉛山縣志

卷之一

山川

十八

桐木山縣西南一百六十里關去縣八十里多桐木杉木

見九域志

葛仙山縣南七十里巋然鉛之望山其高三十有六巖二十里漢仙人葛玄所築爰有仙壇香爐水碓皆鐵冶有仙井龍池有上馬石下馬石息心石試劍石字書精妙有飛昇臺懸峯凌虛有鶴跡鹿蹄每年六月朔日縣令

主祭旱禱輒雨

名人吟咏俱詳藝文

分水山縣南七十里山脊峻險水道一流入閩一流入鉛故名其西有望夫石立于白鶴山之巔相傳有婦望夫

不歸化爲石

詩藝文詳

筆架山縣治南六十里數峯廉銳文筆插天頂上有龍鳳  
仙岩凌空半壁結庵以祀徐仙翁岩出龍泉歲旱禱雨  
有應

白塔山鉛山發脉之山在筆架山右

柯挺詩  
見藝文

李吳山縣治東南十五里峯聳如笏特異衆山頂平濶數  
文許名天香臺山巔有李興庵世傳葛玄初煉丹于此  
金鳳山縣治東南二十五里有正果庵相傳大義禪師悟  
道處

章山鐘石灘下半里許緣溪深入土地平衍轉側有曲徑  
登山有重岩複塢碧紅泉等勝嘉靖間黃懋質誅茅結

鉛山縣志

卷之一

山川

十九

庵隱焉山陰陳鶴徐渭張天復相與吟咏其中又有方  
塘十畝四面皆石不假雕甍天復手書石湖二字刻于  
石

太<sup>甫</sup>山縣東北上壚坂之西山有八仙臺土人立廟以禱  
雨禳蝗每有靈應

平洋山縣治七十里

石壠山在縣南六十里之旌孝鄉接桐木源山內有羊坡  
鳳嶺之勝

張家山縣南六十里

鷄公山去縣四十里

道冠山縣東三十里有白雲洞在四都

周家山去縣四十里

狀元山縣西五里有清風洞宋劉輝讀書其中東即龍窟

山西有清風峽空嵌嶄岳寒氣逼人有讀書岩天成石

龕輝手朱書奎星狀元四字于石岩上水洗之益鮮古

藤數十丈盤結左右其下復滙津流爲雙溪

龍井山有泉井七口旱以禱雨名筍箕井

黃蘗山最高峻多杉木

小葛山葛玄爰處

黛琛山在縣西北六十里之仁義鄉峯巒雄峭橫亘數里

鉛山縣志

卷之一 山川

二十

盤障信河中流其色蒼翠比諸山獨青又名青山二胡宅焉

大塢山有僊井曰硯瓦井旱以禱雨

芙蓉山縣西北三十里仁義鄉峯巒聳秀縣境中山之最

秀者

含珠山縣西三十里仁義鄉高峯端聳形若明珠明費宏

讀書處上有含珠菴

詩見  
藝文

鳩屏山王公大道周公聖者於此得道成僊有顯跡

詩詳  
藝文

九石山縣西北三十五里古傳龍邱長嘗隱居于此又名

龍邱山其山九石相連無林木色如生鐵狀如覆釜爲

西北之門戶所謂龍門也見張祐詩  
張祐詩  
見藝文

高山山形壁立如斗從小徑入山腹豁然平地左有石岩  
右有深池

赭亭山山形方正如削望之若亭其色赤無林木旁一小  
山相肖曰肖赭亭漢李恂流寓于此後封赭亭侯其西  
北入弋陽方峯八面壁立千仞盤踞十里厥形多變望  
之不可擬有龍井水時湧出旱以禱雨其南石壁相傳  
赭亭侯所鑿登級數十丈有石隘以入復多石岩古言

神僊境見蔣際魁詩  
蔣際魁詩  
見藝文

杏山縣南三十五里過沙田即縣之三十五都

鉛山縣志 卷之一 山川 二十一

鸞鷲山縣治南三十里

金相山縣治南二十五里

洪洋山縣南五里治平中嘗產青綠政和間廢

嵩山縣西三十里頂平如砥

鳶山縣西七十里善政鄉

女城山縣東三十里山形如乳

錦屏山縣東五十里山形壁立如開圖障亘三百步崖石

蒼翠花木茂美入其間如登閩苑

東山縣東三里翠微間有亭紹聖五年縣尹蘇堅題曰儁  
遊宋春陵守趙充夫治其地爲東園後廢

西山縣西四里

南木壠山縣南十里

上下渠山縣南五十里旌孝鄉其峯廉銳多杉木

烏石山從勒馬山東下山形狀如北斗七星其陰為蚕原

昔人于此養蚕有釣魚臺其東龍岩鳳岩二峯相對若

龍盤鳳翥龍岩之上有菴其神曰龍鳳二真僊時有鐘

鼓鳴其上尋之不見

鄭邦福詩  
見藝文

帽山在觀音山之陽

天堂山縣北五里

羅銅山在縣南五十里旌孝鄉政和中產銅今無

鉛山縣志

卷之一

山川

二十二

隱湖山在縣東二十里崇義鄉

薛尊山縣西五里

鉛山縣西四里即桂陽嶺舊出鉛今山崩陷無出

馬塢山縣西七里

天柱峯在縣旌孝鄉屹立如筍

詩文詳

分水嶼閩楚自此分流故名

詩銘見  
藝文

雲際嶺縣治西

詩文見  
藝文

黃沙嶺縣治四十里

紫溪嶺在縣南四十里旌孝鄉

詩文詳  
藝文

新嶺縣北五里相傳有白御史墓

徐源嶺在縣西四十里仁義鄉

草鞋嶺有切玉石三字閩人王審知所題

佛母嶺有觀音禪院徐仙姑附祀其內

童子嶺左至大源二十四都

梁騎嶺在三十一都

楓樹嶺縣東五里

盖竹嶺縣治東

謾公嶺縣治西

桂陽嶺縣西四里一名鉛山產鉛縣因之名今無詩文見

長排嶺縣治北

鉛山縣志 卷之一 山川 二十三

馬嶺

陳峯嶺

棗嶺

西天嶺

白石嶺縣治西

楊梅嶺

碎石嶺

三方嶺

梅嶺縣西六十里

芒槌嶺

牛車嶺

下長嶺

入廟嶺

新田嶺

奕仙石縣西四里山巔兩石相對如人狀亦名商量石詩見

文藝

白石縣西四里懸崖壁立有空嵌處可坐五六人色微白

俗呼白石底

峽石縣西二十里兩崖對峙蒼翠壁立中有水石疑為仙

境

鉛山縣志

卷之一

山川

二十四

觀音石縣西三里一名七寶山又名積翠岩即古之楊梅

山洞中石壁上有石如佛指因名觀音石下有平坑石

竅中膽泉湧出山故多銅宋人嘗于此採焉先是南唐

於此置銅場故名銅寶山今山崩銅無所出按方輿記

積翠岩五峯相對東循斷玉峽二十餘步有石屹立名

擎天柱即狀元峯又一岩天成兩竇如日月相對名合

壁上建九仙臺履之如憑虛御空其右有雲壑及藏雲

洞玉麒麟餘可名者尚多慶元六年趙不迂闢土建佛

堂自下望之如在五雲縹緲間後得拄杖泉亦足用人名

吟咏俱詳藝文

紅羊石縣治西十里梅溪渡上山巔有石十數微紅色或坐或立狀如羊

捲績石縣西北四十里仁義鄉屹立溪水中與鐘石相望

身聳圓砥柱中流一名錢倉遊人多集其下

費長年詩見藝文

鐘石縣治北形如覆鐘碧水淵泓魚龍窟焉

有曾雲詩見藝文

試刀石縣北三十五里一山臨溪嶄然俗傳葛玄試刀之

石

月巖縣治東二十里戒珠院之右巖高丈餘如圓龜狀前

有天然石梁由石梁升有雙柱慶元四年縣尉吳紹古

命今名

鉛山縣志

卷之一

山川

二十五

雲巖縣西十八里峙嵩山之前松徑數百步始至其巔兩

崖峻嶮皆怪石有蛟螭盤屈狀其上天窻寶蓋不可形

模地勢漸高道人爲橋爲堂爲殿皆因其次第一穴可

容百人嘗陰陰若雲氣滃然而興則斯須雨降巖以是

得名遂爲禱祀之所有疊石室甚隘相傳初有異物以

黃泥封之與道人爲界後泥亦化爲石有指痕焉今爲

土人鑿毀

詩辭詳藝文

天窻巖縣北二十五里其山有岩形似紗窻張石室隱於

此

八字巖縣西四里即白石之巔有天成八字極端楷俗傳



呂真人逐蛇入岩中以劍畫成字

叫巖縣北法林院後一竇虛明聲聞谷應濱河過客多題

咏詩詳  
藝文

白鶴仙巖在縣南八十里旌孝鄉岩高百丈廣半之左有

丹邱右有印架前雙峯對峙昔有道人修煉于此丹成

乘鶴而去正統間旱禱之輒應

清風峽讀書巖縣北五里天成一龕僅可盤旋狀元劉輝

讀書其中詩詳  
藝文

章巖縣北四十里一石陡起下開岩竇如半規狀中為宣

梵院吞風吐月岩心有石鏡一岩赤色鏡獨如玉往來

鉛山縣志 卷之一 山川 二十六

題記殆遍宣和間洪芻王師心刻表其上詩碑詳  
見藝文

紫雲洞土名祝家塢洞天軒敞一塵不到嘗有敲棋聲

釜陽洞在橫山下其山屹立大溪之口中開一洞大可容

千人頂圓如覆釜俗呼為鍋底岩巖面合珠天日晴朗

閩中諸山雲林白馬若拱若揖蘭溪趙志為易今名書

四大字刻于石費懋文詩  
見藝文

藥雲洞縣東三十里極山之巔循澗六七里始至有飛瀑

臨其前洞口如門者三中倚一石若屏狀周旋可轉最

後懸一龍首水出不竭由外而內類碧玉池中起藥雲

縝密可玩舊名徐塢因其狀更今名辛棄疾詞  
見藝文

層冰洞縣西二十五里由一竇入涂里許無光非秉燭莫辨所履皆片石峻峻有聲如層冰舊名新洞吳紹古更今名俗呼仙人田仙人倉甚眾紹興間開

石城洞縣西二十五里石門如城偃倮而入得石室明甚四壁嶙峋怪石皆磬聲又有石鐘高不可擊左一竇可容百許人舊名新岩吳紹古更今名

石龍洞縣西三十里正悟院前由一竇入深半里許明徑如掌斷柱垂乳類神剗鬼刻巖下石獨溫潤隱然雙龍盤旋其上有甘泉時滴又有石如首眉目皆具治平間僧文政所開舊名普光巖吳紹古更今名

鉛山縣志 卷之一 山川 二十七

燕洞縣西六十里前臨澗水必葦航可渡洞口敞顯中亦深明直十餘丈有石座石蓮之屬其色黃山巔石之瑰異者清潤可愛俗號燕洞巖

紫溪縣西南四十里

名人詩  
見藝文

蕉溪縣南百餘步源出洋源山沿流經縣治循山岐嶺入於溪水色黃沾衣則腐以灌溉不損物昔有堪輿吳巒者相地建邑書鈐云蕉溪出大蝦鉛邑中如麻至明天啟間人文蔚起科甲特著是其驗也

詩見  
藝文

雙溪二水發閩界循鳶山流入善政鄉山迴溪合風氣攸

止汪宗伯兄弟徙居焉

李東陽歌  
見藝文

彭溪縣治北二里源出龔潭陂轉彭溪橋六里至清風峽  
橋爲彭姓所造相傳彭姓錢鏗之後也

石溪縣北三十里源出瀘水流爲石溪又十五里入傍羅  
大王潭縣西北三十里爲信河最深澄處

七里潭在善政鄉七里山之側其深莫測旱禱輒應

西湖縣治南門外舊名江家湖有寺觀中涵鵞湖山影詩見

文藝

清湖縣治西二十五里清流鄉其水縈帶如映瑩澈可鑑

故名費鵞湖兄弟徙居焉王庭器詩見藝文

葡萄井縣西三十里汭口街昔有葡萄生井上蔓延于街

鉛山縣志 卷之一 山川 二十八

里人汲井泉以資灌蔭洪武間塞

石井縣北四里巨石間有竇湧泉滙爲井上結岩龕覆之  
若猛獸張頤斷齧下深數丈輪廣倍差色紺碧可燭鬚

眉井上石文隱起錯鏤如蓮花倒生縣多膽水味澁此  
獨甘晝夜不竭溉田數百頃舊名玉洞泉又有碧玉慈

濟醒心等名或謂神龍居之名聖泉然石井之名唐光

啟中嘗賜額故名石井歷朝詩記俱詳藝文

瓢泉縣東二十五里辛棄疾居此詩文見

飛來泉縣東四十里飛流數百丈如懸天際近二三十步

冷氣逼人

乳泉縣西一百五十步西湖蔡塢鑑清菴之側日射白光  
燦然故名味亞石井

跳珠泉縣西一里石壑中泉湧如珠亦名小石井

玉壺泉縣南六十步教場山吳紹古得之亦類瓢泉

雲際泉縣南四十五里出雲際山如飛玉虹

龍泉不知所在

劉基詩  
見藝文

大義泉縣北十五里源出峯頂數百丈飛流灌壑凡五里  
許入于仁壽院

瀑布泉鷺湖山峯頂飛流而下

詩見  
藝文

膽泉在縣城西出觀音石可浸鍊爲銅今無

鉛山縣志

卷之一

山川

二十九

桐木水其源自建陽二百九十里入鉛山東北流注會于  
分水合于紫溪而西流大會黃柏北至于汭口達于瑞  
洪

葛水派分爲五透迤而北流于桐木之水

紫溪水北流注于桐木之水復南流會葛水橫溪響水西

合黃栢水遶于縣北達于河口

車盤水東北流注合于桐木之水唐水北流注於港口會  
于桐木之水渠水其源自崇安界溫林嶺北流注于王  
村入下渠橋六十里會於桐木之水

黃敖水東南流注於劉墩至漢洋達于上壩坂北流注入

于河口

黃蘗水源自雲際北流注會于葛水東北達于桐木之水  
滙爲雙溪而北入于河口

梅水西北流于雙港口入湖坊水達于大河東落雲際山  
漿源水源發自馬嶺東北流注于黃蘗水其下有漿源洲  
名

石佛水其水至大原過獅子山西流注於湖坊會羣水北  
入大河

新峯水北流注于陽坳水合流至於河

芙蓉水自大塢分水左大茶右小茶西流注于箭山合流

鉛山縣志

卷之一

山川

三十

北注於大河

含珠水北流注會於新峯之水入大河

楊梅水西南流至于虎巖洲達於河

西鄉水縣西十里源出西鄉百餘里至豐家渡入於溪

九石水縣西北三十里經流九石山下舊隸上饒縣石橋

鄉

汭口水縣西二十五里兩小溪合流入河唐李文公經行

載集中稱名勝

上下渠源水縣南六十里源出崇安界沿流六十里入於

桐源

傍羅水縣北二十五里源出玉山過信州五十里至傍羅  
下泖口

論曰予紀水之條派矣復取水之貽患者而詳著焉  
蓋永性善下因其勢而利導之則易若抑遏壅塞與  
水爭道□決之患有不可勝言者矣李冰爲蜀守壅  
河水作棚穿二江以通水然不過因其高下相仍之  
勢未有惑于地鈐之說將東流者強而注西逆水之  
性而使萬民爲魚者也查鉛山舊志縣南五十里鷺  
湖鄉源出洋源山沿流循山岐嶺入于大溪宋初建  
邑在鷺湖山下暇樂園有地鈐云辰水不宜入蕉溪

鉛山縣志

卷之一

山川

三十一

至紹定章公乃鑿開東嶺作縣基而東嶺當在永平  
東洋橋處也故其縣亦號永平嗣後洪武二年始築  
城垣東北障河西南鑿濠圍繚城下從民便以養魚  
種蓮爲利此有利于民無病于邑可世守之者也迨  
嘉清三十六年葛陂陳公坦來知縣事士民中有好  
事者執吳鸞之說廢城濠復爲溪河橫港作堤固若  
城垣萬曆二年甲戌夏山水瀑漲人民浸溺房屋漂  
流跨河五橋盡廢陸公夢熊令盡堤而決之令出歡  
聲滿道是堤障之設利害亦昭然可覩矣萬曆八年  
庚申葵宇陳公映以蕉河面縣不宜枯涸且水道宜

通平其勢而兩分之東西之民相安無事二十二年  
甲午袁九臯治縣爰尋舊址於蕉溪下流起築新堤  
注滿池水無泛濫及枯涸之患因公欽擢新堤草創  
逾年復決及三十三年吳公一麟築斷東嶺障水西  
流抬石運土勞民動衆堤四面砌以大石居中實以  
厚土視向陳公所築之堤高厚過之己酉四月二十  
八日正午天雨淋漓山水漲漫橋梁道路盡倒民居  
房屋漂流水勢洶湧駕出堤上蕉溪之水然後立消  
堤址亦蕩然無復存矣夫築宣房以障水恐壞民之  
田廬也引涇水以爲渠欲溉烏鹵以成沃壤也然論

鉛山縣志

卷之一

山川

三十二

者以爲陂而遏之利于旱歲不幸霑潦則有害此翟  
子威杜元凱以決壞堤紓水患爲急務未有惑于形  
家之言以爲蓄蔡而病民蠹國牢不可破者吾因詳  
其說使後此者知興革之利害焉

邑令潘士瑞識

風俗

永平志言鉛俗大槩本淳樸尚氣誼崇禮法謹慶吊儉服  
用知耻樂善又云水流以北地漸平下各安重業且差  
役自議定不煩有司賦稅多樂輸無間貧富不能無訟  
而終訟者鮮稍習浮靡而妄用者罕君子亢言而厲行  
小人少械而寡求迨宋朱呂二陸四先生講學倡道漸

染成風衣冠文物稱盛事焉更元歷明至

國朝啟運向化日新甲寅而還生齒日繁萬井千村烟濃  
月朗不冠不裳村墟景也話晴課雨父老經也沾體塗  
足勤農事也爰求柔桑修女紅也鷄彘羣遊時畜牧也  
貿易往來平物價也鷄窠風雨樂誦讀也地無不毛鮮  
曠土也故觀於鄉而知王道之易易也前守令間相維  
持今值賢侯 鄭公更加陶淑發四禮并養正訓俗教  
女諸書於城鄉市鎮維挽風化俾家絃戶誦曉然于禮  
義大經壬戌年鄉民劉子美拾遺金六十兩候其人還  
之而絕無德色是臨財毋苟處貧不貪視古不拾不口  
鉛山縣志

卷之一

風俗

三十三

之風何如也

永平志又云鉛元夕張燈城中爲盛新春不縷綵七夕不  
鬪巧中秋重陽無玩月登高之會是則樸野之未漓者  
禮重歲首而輕冬至歲首三日不掃除以爲聚財中元  
祭先餚饌葷齋相半四月八日用木葉搗黑汁浸米和  
糖炊烏飯姻戚相餽遇午節喜爲競渡戲此舊志也列  
而存之以見鉛俗之近古焉寓公王源道嘗書土風有  
曰無燭盡燒烏相子有錢爭買紫藻田花磚堂上看禾  
稼石墪墳邊聽管絃此亦鉛之舊俗也

災異



漢

元鼎五年秋河魚逆流蛙與蝦蟆羣鬪是年東越王餘善反與南越戰平之遷兩越開置郡自此而鉛山地盡爲冶鑄之坑矣

唐

廣明元年黃巢亂五月張潏及巢戰于信州追至永平鎮死之六月遂陷信地

宋

景祐二年乙亥夏六月洪水破城沒官舍湮民居  
乾道四年大水飢民多流移

鉛山縣志

卷之一

災異

三十四

六年庚寅春早至冬不雨大飢及明年人食草實

淳祐五年乙巳虫食禾穗及松竹葉

十二年壬子大水高于城東北隅迤南一帶幾無留甓

元

至元元年冬温是年宋幼君避元兵至鉛山十三都西塢

周宣家

大德元年丁酉夏五月大雨舟行樹杪

延祐二年乙卯夏大雨彌月城廓居民沒者半

至治三年祭亥春三月浹月大水浸居民夏大旱知州林

興祖虔禱大雨三日冬螟食麥

至正二十九年己酉冬草木花

三十年虫起盡食竹木

明

洪武二年己酉夏霪雨四月至六月

十年有大聲在空中如鐘鳴詔求直言

永樂二年夏五月大風暴起發屋折木

三年乙酉春正月大雨積潦五月汜濫決城東演武場且

大飢斗米三錢典史孫珏設法賑濟

十四年丙申秋七月暴雨水溢沙石塞田決黃柏橋復決

城西演武場

鉛山縣志

卷之一

災異

三十五

洪熙元年秋七月雷震

正統十二年丁卯浙東葉宗留足僉都御史張楷討之先

七年間浙江處州賊王能鄭祥四蒼大頭葉宗留聚衆

千餘人入山盜礦十年掠永豐按院會同都司調南昌

衛廣鉛二所軍官及六縣民壯與王能等戰官軍被殺

者甚衆永豐令鄧顒老人余斌入山招撫王能三十五

人聽命給與劄付將永豐二十四都瘠荒田地給與耕

種以充快手協同六縣民壯于永豐橫山頭設教場都

司翁統集二所官軍以時操閱實所以鈐制之也王能

既降計誘鄭祥四蒼大頭等三百餘人悉斬于永豐十

五都獨宗留與部下遁去是年十月宗留聚眾盜掘處州少陽坑九月歷雲和至政和之少亭皆無所得謂其徒曰與其聚于山勞而無功孰若取于民眾從之餘黨數百勢遂復振攻掠政和縣還慶元遣人招龍泉葛山人葉七爲教師由浦城流劫建陽所過焚掠分眾扼守鉛之車盤嶺行旅斷絕四月閩賊鄧茂七起于邵武東南大震上命都御史張楷督軍務偕都督劉聚副陳榮帥師討之至廣信時宗留率其黨四出抄掠楷不敢進閩申文告急浙江藩臬請楷便宜移兵先擊宗留可無後顧江西按臣亦言葉寇近咫尺危在旦夕大臣爲國

家排難專之可也楷顧左右指揮戴禮奮身願往楷命率兵五百前勦十三年十一月賊至黃柏舖戴禮兵出擊死傷相半宗留衣緋中流矢死官兵不知爲宗留也賊退奔入山復擁葉希八爲渠帥劫車盤嶺率眾駐十三都欲由桐塘回浦城副都督陳榮謂楷曰受命討賊今延平事急鉛道不通大軍□邇二賊並熾僅遣部將往朝廷謂我輩逗留將若之何楷不得已分兵命榮帥二千人與戴禮合命劉聚率江西兵趨建寧榮至鉛之祝公橋賊聞風用計誘入周道塢宋家礮兩山埋伏首尾相擊官兵大敗榮禮皆死榮馬自十三都躍入縣堂

三跳而卒楷益懼曰腹裏不可緩咽喉亦當急遂取道徑往閩中行委浦城何縣丞率軍快數千永豐縣令鄧顥率本府六縣民快以應十一月十五日與希八合戰橫山敗績顥被執不屈死是時人情益震遂謂無信州矣鎮守侍郎楊寧時在會城與三司議調南昌前衛及廣鉛二所官軍并集六縣民壯會于橫山迷不識道購得土著爲前導大軍隨之進發然終不能深入相持數月僅無亡失而已朝廷聞敗遣尚書金濂寧陽侯陳懋保定侯梁瑤平江伯陳豫等率京營及南直江浙等兵討之以中軍曹吉祥王瑾爲監軍兼制三省吉祥等素

作威福濂以計留于浙與懋移兵駐廣信分道入福建未至希八使人從鉛弋間道厚結茂七互爲聲援此入後出官兵首尾不能相應楷至建寧屢戰時有小勝輒以捷聞明年二月茂七殺叅政張瑛攻延平楷急甚陰以計招服其黨張由孫羅汝先等曰必擒賊立功由孫等誘鄧茂七出戰中流矢死擒其姪伯孫與家屬悉俘獻京國閩寇悉平希八失援勢稍弱然猶據銅塘且耕且守已而復由浦城政和與陶得二楊希陶秉倫合掠處州攻金衢楷復還師討處寇楷至有千戶沈後者自言部下皆麗水人親屬多陷于賊遣所親信往宜得要

領楷從之令入山曉諭以老母百口爲誓陶得二出見楷優禮賞賚令招餘黨希八尋出降始知前黃柏舖緋衣中流矢死者宗留也浙賊既平楷遂班師

景泰五年甲戌春大雨雪四十餘日平地深數尺積封山谷民絕樵蘇多餓殍

弘治丁巳年夏五月地震詔求直言

十四年辛酉雨麥

正德二年丁卯夏四月不雨至冬十月民大飢食薇蕨

四年雨黑子大旱知縣朱幡以不職劾去縣丞姬鯤薦陞

知縣事設警備料丁壯每丁給穀五斗賑之自三月至

鉛山縣志

卷之一

災異

三十八

五月賑穀二千三百有奇是時饒餘干知縣潘泰橫苛

激民余乾七汪浩八等聚衆姚源作亂流劫樂平德化

戈陽興安徽衢獨不入鉛境

六年夏雨黑黍如蘆稜種之葉如戈戟

九年甲戌秋八月辛卯晝晦鷄鶩皆啼占爲諸侯謀王其

國不昌終受其殃至十四年有宸濠之變

十年鉛民周吳李爲亂巡撫都御史韓雍督兵征勦盡獲

亂民

萬曆三年乙亥夏晝晦冥如夜移時乃復

十七年疫歿餓殍橫道

十九年辛卯秋七月十九日夜大雨山溪瀑漲勢若滔天  
傍溪田地盡爲漂沒六堡上港州口溪壅塞水衝八九  
都五堡界而下

二十年四月二十八日大雨水漲傍溪港洲桂家陂槩上  
田盡爲漂沒六月當午落雪雹如彈子大七月初一日  
石壠山水發浸至城堞大義橋衝倒湮沒人家甚多港  
東一路桑田盡滄海自古來水災莫甚于此地震一次  
火燒水北橋鐘樓

二十九年辛丑河口河魚大上大雨十日葛水石溪汭川  
膽井並發九陽山下俄有二龍飛起雷電交作水雲連

鉛山縣志

卷之一

災異

三十九

接鯁鱔魚蝦之屬半空隕落

三十二年甲辰冬十一月初九日夜地震居民房屋有聲  
四十二年河口雨赤水

四十三年乙卯西關災延及晏公廟堂陞煨燼神像髭鬚  
猶全

四十四年丙辰九陽山河口人初鑿其一

崇禎十一年戊寅春二月妖人張普薇聚衆寇鉛山過弋  
貴界欲抵建昌時撫院解學龍守道林推官吳鑄共發

兵勦平之

按林公失名

國朝

順治四年丁亥大旱担米七兩民採山中石粉和米作餅療飢因相傳爲仙粉

五年春豫章守將金聲桓叛其黨王紹忠陷鉛山踞城民不堪命斗米三錢屍殍遍野至八月趙洪恢復

九年閩賊熊應池踞桐木源民遭荼毒數年三省會勦始平

康熙十年辛亥夏五月至秋七月不雨苗稿虫食稼晝轉食木葉民飢採蕨拾橡以療迄冬蕨橡盡轉于溝壑者纍纍是年廣信七縣皆然

十一年春巡撫董公衛國首倡捐賑于是司道府縣各捐  
鉛山縣志 卷之一 災異 四十  
俸有差分撥賑救廣信一府共發銀二千兩米一千担檄知府高夢說親詣各縣給發鉛民賴以全活

十三年五月閩變逆賊林爾瞻乘機倡亂揭竿應之破城毀籍逐官奪印官舍民房盡成灰燼自黃巢三洗之後未有酷如此者

十四年賊踞城民空

十五年丙辰浙督調將恢復秋閩逆平冬十二月林爾瞻許志遠復踞石壠拒抗官軍時出劫殺鷄犬無聲人烟殆盡

十六年官軍合勦林爾瞻勢窮秋八月值浙督李招降逆

賊爾瞻調浙歸伍鉛民男婦爲爾瞻所擄者甚衆拘脇  
隨行本府同知季渾與招降事來鉛力排爾瞻坐要道  
辨音語查還難童難婦士民誦之爾瞻雖降陰遺孽黨  
江楊蘇呂分踞山寨潛通機宜以張聲勢

十七年大中丞董督師進勦孽黨會

命下旋師寇益熾離城五里許皆賊

十八年己未春二月知縣潘士瑞甫任募義勇授方畧所  
向輒克斬賊行賞數千金悉出私橐不數月而寇平

十九年大義橋燬縣令潘士瑞鼎新架木砌石無屋

二十年三四月瘟疫盛行老幼暴亡撫院安入告

鉛山縣志

卷之一

災異

四十一

上軫念民艱停徵三月

二十一年壬戌夏四月海宇清寧四方蕩平奉

命沙汰冗兵適有調鎮信州軍所轄皆新附卒聞風即譁

聚衆走險踞封禁山爲巢七邑驚駭鉛隣賊境傷弓殘

黎恐仍蹈甲寅之流毒也未幾賴郡伯孫單騎赴任默

爲籌畫馳檄各邑聯絡堵禦遂而瓦解

二十五年閏四月二十六日洪水泛漲由玉山信河抵河

口及黃沙港弋陽縣界岸水三丈沿河一帶居漂民溺

不計其數撫軍安世鼎借省倉南糧二萬石親臨賑濟

四十年辛巳秋七月二十□□天微雨申酉時水自地湧



由分水關烏石桐木關齊發山崩地裂近河居民湮沒無限大義橋盡毀至四十七年縣令夏景宣重建架木爲橋植屋其上

四十一年東關火災

四十九年閏七月十二日天微雨無雷酉戌時水自地出由馬嶺楊村抵河口山崩地裂衝改河道甚多迄二十一日雨雹大如彈丸自二十八都汭口河口逆上安州西鄉五都一帶禾苗壓壞

五十年辛卯秋七月十一日夜半地震居民房屋有聲

五十六年六月十一日大義橋洪水剗去石不二屋宇未

鉛山縣志

卷之一

災異

四十二

壞縣令王作朋修理

五十七年戊戌東關火災

五十九年庚子風雨和會稻糧豐稔八月間異氓吳兼山等夥黨陰謀震怖人心十月中旬匪類竊發鉛民逃佚巖棲谷處守備姚夔懼避邑宰王作朋集紳士募義勇設總練親領嚴捕捉獲者正法悉平

六十年大旱兩稻俱傷民賴陸種以活

雍正八年庚戌大義橋年久朽壞縣令張崇樸去舊換新尋遷縣令王炳旦竣其事

乾隆二年東關火災

六年夏四月十三寅時大義木橋燬于火邑宰鄭率屬虔救迄辰時火熄俱燼落水惻然者久之倡捐募工易之以石高廣倍前中建亭下九洞往來者咸歌坦道

八年癸亥夏五月五日夜分雷雨大作達旦乃止山水陡漲平地深四五尺四山迸裂衝壓田廬道路男婦遭覆溺者共十二口縣令鄭捐資瘞埋首偈修路是時正值米價昂貴加以水災民益苦之鄭多方調度賴以安全諸生問于子曰石塘曾產靈芝二本湖塘發荷花一莖並萼當誌與否余曰不必誌諸生曰書災所以爲儆書祥乃以爲勸何必不誌余曰君子止盡其道于

鉛山縣志

卷之一

災異

四十三

已而俟其命于天人能和氣自可致祥言坊行表身之祥也父慈子孝家之祥也官清吏肅國之祥也民安物阜天下之祥也靈芝荷花亦聽命于人事而已

何必言祥何必言誌

述堂日知錄

古蹟

鉛山縣故州基在北關外今名暇樂園

相公府縣北三里地名暇樂紹興間閩寇范汝爲亂丞相

李綱將兵萬五千人駐焉後人呼爲府

故學基在八都一堡土名東山下朱子真西山有記

見藝文

車盤縣南六十里山有神鹿黑色每出風雨隨之

暖水塘縣西三十四都冬時煖若溫湯

靈觀音橋在七都鷺湖鄉香山寺前昔有僧來橋寓勸善以助成功橋成手持一齋投橋石石陷一窟如齋模後莫知所之人始知爲大士也今猶存顯跡焉

寶帶橋縣治西關晏公廟下此橋爲城池鎖鑰閩浙通衢今圯跡存前誌失載今補入

僊人墓縣治六十里皮翼巖有僊墓一所龍虎堆壙石自天成每遇寒食如人祭掃

神僊突字書縣北八里黃上嶺一酒肆中題其柱曰趙慶老過此下詳歲月字細莫辨其文皆隱起世傳惟真人

鉛山縣志

卷之一

古蹟

四十四

能書突字

今無

九石山縣治西北三十里嘉靖壬戌有美男子挈一少女同行至嶺乃蹋其壁以昇今留有巨足跡

天塋地在九龍岡胡姓祖父母塋地初不在此因大雨頓作昇繩俱斷衆避及雨止往視水已湧土成堆遂塋此焉

羣賢祠宋章謙亨建遶湖築堤上植梅桂擬杭之西湖

笄公祠址原在北關彭溪橋上五十步許後移西關外舒

姓祠堂下今廢附祀晏公廟樓其基址亦附晏公廟紹鑄錢院縣西一百步後以銅鉛滋弊廢

紫金溪縣南四十里紹興間崇安章才邵微時夢人以詩告之有春風先到紫金溪之句後調官監鉛山過紫溪質之耆舊前夢始驗

瓢泉書院在期思渡乃宋秘閣修撰稼軒辛先生寓居書院燬于兵瓢泉猶存

天恩堂在十三都宋幼主入閩過此周氏率子弟郊迎宿其家顏其堂而去

鵞湖府君祠縣東北十五里宋嘉祐八年建以宋縣在其北爲之鎮山邑公方仲禮禱雨有應因建祠祀焉記見藝文

仙人峯在縣治三十九都二畝六堡其山巍峩秀鬱建有鉛山縣志

古寺名仙人峯

義榮齋宋狀元劉之道所居與狀元亭並

半隱齋故址在天王寺邯鄲賈逸祖元放所建屬會稽陸

游記之

見藝文

東園在縣東三里有儁遊亭宋春陵守趙克夫治其地爲

東園今廢

兼濟倉在天王寺之左直文華閣趙不遷所立初纂兼濟

平糴意以穀賤時糴至明年穀貴損價以糴淳熙十五

年米始百斛歲時增益後至千斛意欲自少至多自近

及遠不爲定額鄉人德之慶元五年狀其事于州州以

聞詔除直秘閣以慰父老德之之心

趙氏書樓宋直敷文閣趙不迂建邑人舊無藏書士病于  
所求乃儲書數萬卷經史子集分四部使一人司鑰掌  
之來者導之登樓設几席使得縱觀

狀元筆百里三狀元三十里至孤溪寨初落宋狀元劉輝  
三十里至土溪中落元狀元李謹斯三十里至柴家埠  
末落明狀元費宏

節婦州在傍羅祝氏死節之所

詳見烈女傳

總兵祠在十三都陰漿口正統七年處州賊叛總兵陳榮  
協同指揮統兵三千進勦賊聞風陰計以洋田去其水

鉛山縣志

卷之一

古蹟

四十六

高燥者注水惑之兩山設伏候官兵過半出擊首尾莫  
救榮墮其計奔入洋田人馬俱陷無一生者都人憫其  
忠立祠祀之

飛昇臺在葛仙山

詩記見藝文

壽字碑今無

鵞湖唐張濱詩在新嶺下

花庵獨坐詩司馬光書今無

真率約司馬光書今無

金剛經蘇軾書今無

屯田縣東石塘五代間民皆屯田今屯田寨舊址猶存

東關義塚縣三里許土名小市里計山七十二畝費寀有記見藝文

西關義塚縣三里許土名馬塢陳坦有記見藝文

### 邱墓

宋

辛棄疾墓在七都宋紹定間贈光祿大夫勅葬于此舊有

金字碑立驛路傍曰稼軒先生神道記贊見藝文

陳康伯墓在三十九都九龍岡宋孝宗御書其碑曰旌忠

顯德之碑劉珙銘見藝文

敷文閣直學士晁謙之墓在鶯湖山謙本檀州人南渡後

鉛山縣志 卷之一 邱墓 四十七

居信州卒葬此

汲古賈元放墓縣北十五里東里趙公蕃題曰宋詩人賈

元放之墓

少傅文安公趙士初墓在招善鄉淨覺嶺淨覺菴後菴久

廢

曹公墓不知所在妻周氏自述志銘見藝文

周十公母墓不知所在孫覲為墓銘曰公十歲喪母吳氏

哀如成人嘗從外氏卜葬地行次鉛山夜夢人曰翼日

山下有雉飛出即爾葬處黎明行里許果見一雉決起

草芥中衆驚異之葬其處曾孫執羔策進士第後官至

尚書

王大資墓縣西北六十里火田名埭字儀仲臨川伯元澤  
之子守開德府以死節贈今職塋衣冠焉

鉛山縣志卷之一終

鉛山縣志

卷之一

邱墓

四十八